



МОНГОЛ УЛСЫН ЗАСГИЙН ГАЗРЫН ТОГТООХ

2010 оны 11 дүгээр
сарын 3-ны өдөр

Дугаар 283

Улаанбаатар
хот

Төмөр замын сүлжээ, суурь бүтцийг өргөжүүлэх
талаар авах зарим арга хэмжээний тухай


Аж ахуйн үйл ажиллагааны тусгай зөвшөөрлийн тухай хуулийн 15.15.1, Төмөр замын тээврийн тухай хуулийн 9.1.2, 16.1.1, 16.9, Концессын тухай хуулийн 17.1-ийг үндэслэн Улсын Их Хурлын 2010 оны 32 дугаар тогтоолыг хэрэгжүүлэх зорилгоор Монгол Улсын Засгийн газраас ТОГТООХ нь:

1. Улсын Их Хурлын 2010 оны 32 дугаар тогтоолоор баталсан "Төрөөс төмөр замын тээврийн талаар баримтлах бодлого"-ын 3.2.2-т заасан эхний үе шатанд барих төмөр замын суурь бүтэц барих тусгай зөвшөөрлийг "Монголын төмөр зам" ХК-д олгосугай.

2. Эхний үе шатанд барихаар төлөвлөсөн төмөр замын ажлыг эхлүүлэхэд шаардагдах хөрөнгийн эх үүсвэрийг Монгол Улсын Хөгжлийн банкаар дамжуулан шийдвэрлэх талаар холбогдох арга хэмжээ авахыг Төрийн өмчийн хороо (Д.Сугар)-нд даалгасугай.

3. Тавантолгой нүүрсний ордыг хамтарч ашиглах стратегийн хөрөнгө оруулагчийн үйл ажиллагаа, хөрөнгө оруулалт, нөхцөлтэй уялдуулах замаар гадаад, дотоодын хөрөнгө оруулагчдын оролцоо бүхий компани (консорциум)-ийг байгуулж, төмөр замын суурь бүтэц барих тусгай зөвшөөрлийг холбогдох хууль тогтоомжийн дагуу шилжүүлэх санал боловсруулж Засгийн газарт танилцуулахыг Ажлын хэсэг (Н.Алтанхуяг)-т даалгасугай.

4. Төмөр зам барих төслийн зөвлөх үйлчилгээ үзүүлэх багийг сонгон шалгаруулах талаар санал боловсруулж шийдвэрлүүлэхийг "Монголын төмөр зам" ХК /А.Батболц/-д даалгасугай.



Монгол Улсын Ерөнхий сайд

Монгол Улсын Тэргүүн шадар сайд

С.БАТБОЛД

Н.АЛТАНХУЯГ